

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 33. stav 2. i 3. Zakona o privatizaciji preduzeća ("Službene novine Federacije BiH", broj: 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04, 42/06 i 4/09), člana 33. stav (1) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25), člana 1. Odluke o otvaranju namjenskog računa u Razvojnoj banci Federacije Bosne i Hercegovine i određivanju ovlaštenih potpisnika naloga platnih transakcija, broj: 02-14-17523/17 od 19.12.2017. godine i broj: 02-11-20040/25 od 07.11.2025. godine, tačke I. Zaključka Vlade Zeničko-dobojskog kantona broj: 02-14-15200/17 od 02.11.2017. godine i člana 3. Ugovora o namjenskom depozitu broj: 07-14-19795-9-1/14 od 21.12.2017. godine, na prijedlog Ministarstva finansija, Vlada Zeničko-dobojskog kantona, na 104. sjednici, održanoj 07.11.2025. godine, d o n o s i

## **O D L U K U**

**o prenosu sredstava deponovanih na posebnom ESCROW računu Zeničko-dobojskog kantona na poseban fond Razvojne banke Federacije Bosne i Hercegovine namijenjenih za „Subvencije privatnim preduzećima i poduzetnicima - ESCROW sredstava” – dodjela (refundacija) investicija kod obrta i subvencioniranje obavljanja djelatnosti prema Uredbi o zaštiti tradicionalnih i starih zanata**

### **Član 1.**

**(Prenos sredstava deponovanih na posebnom ESCROW računu Zeničko-dobojskog kantona na poseban fond Razvojne banke Federacije Bosne i Hercegovine)**

(1) Vršiti se prenos sredstava deponovanih na posebnom ESCROW računu Zeničko-dobojskog kantona, u ukupnom iznosu od 1.017.466,08 KM na poseban fond Razvojne banke Federacije Bosne i Hercegovine, uplatom na transakcijski račun Razvojne banke br. 195-001-00000014-89.

(2) Dio sredstva iz stava (1) ovog člana u iznosu od 847.888,40 KM će se koristiti na osnovu odluke/a Vlade Zeničko-dobojskog kantona, za poticaje privredi na području Zeničko-dobojskog kantona, u skladu sa Ugovorom o namjenskom depozitu broj: 07-14-19795-9-1/14 od 21.12.2017. godine, zaključenim između Razvojne banke Federacije Bosne i Hercegovine i Vlade Zeničko-dobojskog kantona, radi realizacije Programa utroška budžetskih sredstava za 2025. godinu (Subvencije privatnim preduzećima i poduzetnicima - ESCROW) – Izvor 30, Ministarstva za privredu, koji je usvojen od strane Vlade Zeničko-dobojskog kantona, Odlukom broj: 02-11-11012/25 od 30.05.2025. godine i broj: 02-11-18368/25 od 10.10.2025. godine, namijenjenih na ime dodjele (refundacije) investicija kod obrta i subvencioniranja obavljanja djelatnosti prema Uredbi o zaštiti tradicionalnih i starih zanata.

### **Član 2.**

**(Izdvajanje dijela sredstava sa namjenskog računa u Razvojnoj banci FBiH na račun fonda Federalnog zavoda za penzijsko i invalidsko osiguranje)**

(1) Daje se ovlaštenje Razvojnoj banci Federacije Bosne i Hercegovine za izdvajanje dijela sredstava sa računa namjenskog depozita otvorenog kod Razvojne banke Federacije Bosne i Hercegovine za potrebe Zakonom utvrđene obaveze sanacije i osiguranja osnovnog kapitala fonda Federalnog zavoda za penzijsko i invalidsko osiguranje, u iznosu od 169.577,68 KM.

(2) Sredstva u visini navedenoj u stavu (1) ovog člana će se prenijeti sa ESCROW računa Zeničko-dobojskog kantona na poseban fond Razvojne banke Federacije Bosne i Hercegovine, nakon čega će se sa računa namjenskog depozita otvorenog kod Razvojne banke Federacije Bosne i Hercegovine uplatiti na poseban račun Federalnog zavoda za penzijsko i invalidsko osiguranje, otvoren kod Union banke, broj: 102-050-0000-106698, vrsta prihoda - 721613, općina - 103, budžetska organizacija – 5102001, JIB za koje se vrši plaćanje (isti kao za ranije naloge), poreski period-datum plaćanja i poziv na broj-0000000000 ili 0000000001.

### **Član 3.**

#### **(Ovlašteni potpisnici naloga platnih transakcija)**

Za ovlaštene potpisnike naloga platnih transakcija sa namjenskog računa u Razvojnoj banci Federacije Bosne i Hercegovine, od strane Vlade Zeničko-dobojskog kantona određuju se:

- a) Nezir Pivić, premijer Zeničko-dobojskog kantona,
- b) Dženana Čišija, ministrica Ministarstva finansija.

### **Član 4.**

#### **(Realizacija Odluke)**

Za realizaciju ove odluke zadužuju se Ministarstvo finansija, Ministarstvo za privredu i Razvojna banka Federacije Bosne i Hercegovine.

### **Član 5.**

#### **(Stupanje na snagu)**

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-20168/25

Datum, 07.11.2025. godine

Zenica

**PREMIJER**

*Nezir Pivić*

DOSTAVLJENO:

- 1x Ministarstvo finansija,
- 1x Ministarstvo za privredu,
- 1x Razvojna banka Federacije Bosne i Hercegovine,
  - ul. Igmanska broj 1, 71000 Sarajevo,
  - putem Ministarstva finansija,
- 1x „Službene novine Zeničko-dobojskog kantona“,
- 1x a/a.